

ՀԱՅՐԵՆԻ ՀՈՂԻ ՎՐԱ ՄԵՆՔ ԵՐԶԱՆԻԿ ՈՒ

Ա. Զ. Ա. Տ. Ե Ն Ք

ԵՐԻՏԱՍԱՐԴ ԸՆՏՐՈՂՆԵՐԻ ՀԱՎԱՔՆԵՐՈՒՄ

Լ Ե Ն Ի Ն Ա Կ Ա Ն Ո Ւ Մ

Է Զ Մ Ի Ա Ծ Ն Ո Ւ Մ

ՀԼԿԵՄ Լենինականի քաղկոմի նախաձեռնությամբ ֆիլհարմոնիայի դահլիճում տեղի ունեցավ երիտասարդ ընտրողների համաքաղաքային հավաք՝ նվիրված Հայկական ՍՍԻ Գերագույն Սովետի ընտրություններին: Հավաքի մասնակիցները իրենց անսահման սերն ու նվիրվածությունն էին հայտնում ժողովուրդների առաջնորդ մեծ Ստալինին, բոլշևիկյան պարտիային ու սովետական կառավարությանը:

Բեմ է բարձրանում արտասահմանից Սովետական Հայաստան ներգաղթած, ընտրություններին առաջին անգամ մասնակցող Արամայիս Հովհաննիսյանը:

—1947 թվի փետրվարի 9-ին,—ասում է նա,—ես առաջին անգամ պետք է մասնակցեմ ռեսպուբլիկայի Գերագույն Սովետի ընտրություններին: Դա իմ կյանքում մեծ իրադար-

ձույթուն է: Շնորհակալություն մեծ Ստալինին իմ այսօրվա երջանկության և պայծառ ապագայի համար:

—1947 թվի փետրվարի 9-ը՝ Հայկական ՍՍԻ Գերագույն Օրգանի ընտրությունների օրը հատկապես նշանակալից է մեզ, արտասահմանից հարազատ ժողովրդի գիրկը վերադարձած հայ երիտասարդներիս համար,—ասում է Ս. Զիլեթյանը:—Ընտրությունների օրը կդիմավորեմ արտադրական նոր հաջողություններով և իմ ձայնը կտամ Լենինի-Ստալինի պարտիային անսահմանորեն նվիրված, ժողովրդի հարազատ ներկայացուցիչներին:

Հավաքի մասնակիցները կոչ արեցին բոլոր երիտասարդ ընտրողներին՝ Գերագույն Սովետի ընտրությունները դիմավորել արտադրական նորանոր նվաճումներով:

Գ. ԱԲՐԱՀԱՄՅԱՆ

Դ Ի Լ Ի Զ Ա Ն Ո Ւ Մ

Դիլիջանի կուլտուրայի տանը կայացավ երիտասարդ ընտրողների քաղաքային հավաք՝ նվիրված Հայկական ՍՍԻ Գերագույն Սովետի ընտրություններին: Երիտասարդ ընտրողները հետաքրքրությամբ լսեցին ՀԼԿԵՄ Դիլիջանի շրջկոմի քարտուղար ընկ. Ս. Մամյանի զեկուցումը՝ «Մեր ընտրական սիստեմը ամենադեմոկրատական սիստեմն է աշխարհում» թեմայով: Հավաքում ելույթ ունեցան բազմաթիվ երիտասարդներ, որոնք

իրենց ջերմ խոսքն էին ուղղում երիտասարդության բարեկամ և ուսուցիչ մեծ Ստալինին:

— Իրականացան մեր իղձերը,—ասում է աշտասահմանից հայրենիք ներգաղթած Միհրան Դերձյանը:—Ես հպարտ եմ, որ սովետական մեծ երկրի քաղաքացի եմ և բոլորի հետ համահավասար իրավունք ունեմ մասնակցելու ռեսպուբլիկայի պետական իշխանության Գերագույն Օրգանի ընտրությանը:

Ս. ԱԼԵԿՅԱՆ